



www.BibleForChildren.org




Dyan 14



Na talù Dyisas lêman di dad gal mlalò kenen, manan,
"Nangyu fsamuk i nawayu, bay faglut gamu di Dwata
na lê gamu faglut di deg. Nun dee gumnè di gumnè i
Màgu, na salu agu ditù du fnatlagadgu i gumnèyu. Na
ku là glut ani làgu tulen dun di gamu."



"Na di kafngegu fatlagad i gumnèyu ditù lêmanta gamu sanfulê du nebata gamu ditù di gumnègu, du fye balù nè gumnègu lê gamu ditù."



Na agu Dyan, satu flaneyku faglut di ku Dyisas, na fagu di ksasatuito di kenen gakuf agu di gamu di kaflayam, na di kagotan, na di ktayud.


Fanlayamla agu du fnèla
agu ditù di satu fungul



dnagit Fatmos, du
tamdò agu Tnalù
Dwata na du tulengu
i kaglut gablà
ku Dyisas.



Na di kagmanan ani, nebe agu Tulus Dwata, na déén di munagu teengu satu gusudeng i gumdatah na nun sudeng déén.



Na kafnge én, lingegu i talù i kdee mnè
di langit, di tah tanà, di dungan i tanà, na di
lam i mahin. Na sdulê ale mlingag,
manla, "I sudeng di gusudeng i
gumdatah, na i Tingà Bilibili,
tooito dnayen, tooito nafè,
na tooito fdatah
kel di landè
sen, du too
mtulus."



Na teengu i syudad nfun Dwata, i falami Dyérusalém,
fdanà mdà di Dwata di langit. I kafye baweh i teengu
gambet i satu libun sandeme takamlaweh i too fye
baweh klaweh du tagatlagad smitong i yaanan.


Na nun lingegu i bong talù mdà di gusudeng

i gumdatah,


manan,

"Neyeyu, mdà
ani mnè Dwata
di saféd i dad ton.


Na mnè kenen di
dale na mgimoan ale
dad ton, na kenen
i mgimò Dwatala."



Kafnge éñ, lêman nun fite kasaligan Dwata di deg, i satu yéél gamlé nawa landè sen di dad to. Too mtiu, na maloh mdà di gusudeng Dwata na i Tingà Bilibili.



Na landè gukmamu i kneng i duh na i bulen di syudad én, du i tmuyal di syudad i bong kneng Dwata na i Tingà Bilibili kenen i salò.




Kabay landè sasè fakay gfusuk déén ku demen i dad to mimò i dad magagyà nimò demen tmulen kéng, là ale gfusuk. Alò fakay gfusuk i dad to tagsulat dagitla di libru i Tingà Bilibili i gusmulat dagit i kdee dad to gamfun nawa landè sen.



"Na nifun i kdee lwak di matala, na landè mati,
landè mlidù, landè mngel, na landè katduk, du i
dad muna takubu, na kdee matlas."




Na i kdee knang Dwata landè déén. Kabay déén i gusudeng Dwata na i Tingà Bilibili di syudad ani. Na i dad salig Dwata mangamfù ale di kenen. Na di bang één, teenla i baweh Dwata na i dagitan gsulat di angas i kat satu dale.




Na teengu i kdee to tamati, dad mdatah na dad mdanà to, na tadag ale di muna i gumdatah, na nukaan i dad libru. Na i satu libru nukaan, dunan i gugsulat dagit i kdee dad to gamdawat nawa landè sen. Na i kdee dad to tadag déén nukuman mdà di kdee dad nimòla gsulat di dad libru.


Na ku simto dagit i là gsulat di libru gugsulat i dagit dad to gamdawat nawa landè sen, tati ale bat ditù di lanaw lifoh.



Na i Tulus Dwata na yaan i Tingà Bilibili, dunan dad to faglut di kenen, manla, "Salu gamu dini, gamu là faglut, na faglut gamu." Na i kdee mlinge i mangu ani, fye ku manla, "Salu gamu dini, na faglut gamu."



Ku simto malinum, fye ku salu kenen dini, na balù
simto mayè, fakay minum di yéél gamlé falami nawa,
na landè bayadan dun.



Du Dwata toon kanbong
nawa kdee dad to di tah tanà,
taman blén i sen Tingaan du
fye balù simto faglut di kenen
là malmo di salà, bay nun
nawan landè sen.



Roma 3:23 I dalan gufagu Dwata fye matlu i dad to di kiten, dunan i kafaglutla ku Dyisas Krayst. Landè gusahal i dad to du kdeela slame gamsalà di kenen, na gawag di kdatahan na knayean di dale.

Roma 6:23 I untung i kimò salà dunan fati landè gusenán, bay i blé Dwata landè bayad dunan nawa landè gusenán fagu di ku Krayst Dyisas Amuito.

Hibru 9:27 Na salngad én i dad to, du alò ale sulê magu di fati, na kafnge én nukum ale Dwata.

Ifisus 2:8,9 Du mdà di kablén i kafye di gamu, falwaan gamu mdà di kaflayam landè sen, fagu di kafaglutyu di ku Dyisas Krayst. Ise mdà di gamu gnagan, demen mdà di fye nimòyu, bay alò mdà di blé Dwata landè bayad, du fye landè fakay mdag i kton,



Roma 10:9,10 Na ku tmulen gamu i dad demeyu to,
Dyisas i too glut Amu, na ku too gamu faglut nték
kenen Dwata mdà di fati, galwà gamu di kaflayam landè
gusenán. Du ku mdà di nawayu too faglut, na ku tmulen
gamu i dad demeyu to gablà di kafaglutyu, matlu
gamu di kite Dwata, na galwà gamu di
kaflayam landè gusenán.

Dyan 3:16,17 Du Dwata toon kanbong nawa kdee dad to
di tah tanà, taman blén i sen Tingaan du fye balù simto
faglut di kenen là malmo di salà, bay nun nawan landè
sen. Du ise én duen Dwata mdek i Tingaan dini di tah
tanà du mlayam i dad to, bay dekan dini du
fye falwaan dad to di dad salàla.



1 Dyan 5:11-13 Ani sa i fgadè Dwata di gito, dunan
tabanlén ito nawa landè sen fagu sa di Tingaan
Dyisas Krayst.

Taman ku simto masasatu di Tingà Dwata nun nawan
landè sen. Kabay ku simto là masasatu di kenen
landè nawan landè sen.

Na smulat agu di gamu dad faglut di Tingà Dwata,
du fye tooyu gadè tanun nawayu landè sen.



Dyan 14; 2 Korintu 5; Tafite 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Blaan, Sarangani Bible (bps) © 2014, Wycliffe Bible
Translators, Inc. All rights reserved.

<https://www.bible.com/bible/1245/MAT.1.ITD>

©2024 Bible for Children, Inc.

www.M1914.org

www.bibleforchildren.org

